

張元吉先生書

詩經述聞

于右任

張元夫著

詩經述聞

臺灣商務印書館發行

中華民國六十九年六月初版

詩經述聞 一冊

基本定價一元六角正

著者 張元夫

發行人 朱建民

印刷及
發行所

臺灣商務印書館股份有限公司

臺北市重慶南路一段三十七號

登記證：局版臺業字第〇八三六號

版權所有
翻印必究

詩經序言

詩三百卽是代表有周一代之歷史。仲尼祖述堯舜。憲章文武，是以天下爲公，卽能以民爲主也。尙書，義在選賢與能。詩三百，卽人人有好賢樂善之心也。有好賢樂善之心，然後斯能選賢與能。詩書之義，可以互相爲證也。詩之言志，卽藏之於中，發之於外也。一人言之，衆人誦之，謂之曰風。就民風之好惡，而知社會之利弊。就社會之利弊，則知政治之得失。民風是以政風爲轉易也。雅歌于朝，雅者正也。卽能合於爲政之道也。小雅與大雅，卽是代表所有之政風。小雅行之於邦國。大雅行之於天下也。就政風之得失，則知家國之治亂。頌歌于朝，王者功成樂作。樂以象其德也。天下已定，然後制禮。禮卽能爲法於人。觀其禮，則知其政。就其樂，則知其德。一代之禮樂，卽是代表一代之世風。政風是以世風爲轉易也。就世風之污隆。則知天下之興亡。三代以前，欲知民意之所在。設有專官，訪問地方之輿論，徵求鄉里之歌謠，取其有關於家國之得失者，播爲樂章，公之國人。唯一之目的，是在促進政治之改進。三百篇是包括成周至克商而有天下及平王東遷，六百餘年天下之治亂，家國之興亡，事無不備，卽是義無不盡。賦卽直陳其事。比卽由此可以知彼。興卽能由近知遠。風以興爲主，而興之中有比與賦之意也。雅以比爲主，而比之中有興與賦之義焉。頌以賦爲主，而賦之中有比與興之辭也。雅頌多取之於古，卽知其本也。國風則詳於近代，卽知其得失之所在也。詩書理義之府也。詩卽切於人事，通於物理，而達於世故。卽人人能以自得之也。孔子刪詩，是根據魯史之原文，取其有關於家國天下之得失。而能得乎性情之正者，以爲未

來之法也。雅頌各得其所，卽知所以爲家爲國之道也。誦詩三百，授之以政不達，雖多亦奚以爲。卽不能以自反也。詩三百，皆仁人君子所作。假之草木鳥獸之名，以盡其意。託之男女之辭，而致其好賢樂善之心。學者執於文末，好賢樂善之心，誤爲男女淫奔之辭。執於草木鳥獸之名，認爲描寫事物足以動人。已盡詩人之能事也。詩書之文，卽能見之於行，徵之於事實也。秦漢而後，歷史之事實，一變而爲理論之文章。兩千年來，已無人真知刪書大義之所在也。

詩經述聞目錄

詩經序言	一
國風	一
周南一之一	一
召南一之一	六
邶一之三	一二
鄘一之四	二三
衛一之五	二九
王一之六	三四
鄭一之七	四〇
齊一之八	五〇
魏一之九	五五
唐一之十	五九
秦一之十一	六五

陳一之十二	七〇
檜一之十三	七四
曹一之十四	七六
邠一之十五	七九
小雅	八七
鹿鳴之什第一	八七
嘉魚之什第二	九四
鴻雁之什第三	一〇〇
節南山之什第四	一〇五
谷風之什第五	一一四
甫田之什第六	一二〇
魚藻之什第七	一二六
大雅	一三五
文王之什第一	一三五
生之民什第二	一四三
蕩之什第三	一五一
周頌	一六三

清廟之什上	一六三
臣工之什中	一六七
閔予小子之什下	一七一
魯頌	一七七
商頌	一八二

詩經述聞

國風

周南一之一

『關關雎鳩。在河之洲。窈窕淑女。君子好逑。參差荇菜。左右流之。窈窕淑女。寤寐求之。求之不得。寤寐思服。悠哉悠哉。輾轉反側。參差荇菜。左右采之。窈窕淑女。琴瑟友之。參差荇菜。左右芣之。窈窕淑女。鐘鼓樂之。』

關雎，能以相得也。在河之洲，即得其所也。窈窕淑女，有其德也。君子好逑，即永以爲好也。參差荇菜。浮於水面。生於水底。左右流之，即能以自得。即不逐于流也。寤寐求之。寤寐思服。即能藏之於中。悠哉悠哉，輾轉反側永不忘也。左右采之，左右芣之。即能得之有方。琴瑟友之，鐘鼓樂之，即能盡室家之道也。關雎樂而不淫，哀而不傷，即能得其正常。國風以關雎爲首，即知其本之所在也。

關雎三章。一章章四句。兩章章八句。

『葛之覃兮。施于中谷。惟葉萋萋。黃鳥于飛。集于灌木。其鳴喈喈。』葛之覃兮。施于中谷。惟葉莫莫。是刈是穫。爲絺爲綌。服之無斃。言告師氏。言告言歸。薄汚我私。薄澣我衣。害澣害否。歸寧父母。』

葛覃，即能盡室家之義也。施于中谷，得其地也。惟葉萋萋，惟葉莫莫，得其時也。集于灌木，即知其所止。其鳴喈喈，即能以自得。是刈是穫，爲絺爲綌，即能得其道，服之無斃，即得之於己也。私事既畢，歸寧父母。葛覃以黃鳥爲喻。其鳴喈喈，言聲教所及，感人之深也。

葛覃三章。章六句。

『采采卷耳。不盈頃筐。嗟我懷人。寘彼周行。』陟彼崔嵬。我馬虺隤。我姑酌彼金罍。維以不永懷。陟彼高岡。我馬玄黃。我姑酌彼兕觥。維以不永傷。陟彼砠矣。我馬瘠矣。我僕痡矣。云何吁矣。』

卷耳以國家爲念也。采采即采而又采。不盈頃筐，有所懷也。寘彼周行，周行指國家之事而言。陟彼崔嵬，陡彼高岡，即盼望之切。我馬虺隤，我馬玄黃，即日期已久。我姑酌彼金罍，我姑酌彼兕觥。維以不永懷，維以不永傷。意在能以自解也。我馬瘠矣。我僕痡矣。言行路之難也。云何吁矣，是以國爲念也。

卷耳四章，章四句。

『南有樛木。葛藟荒之。樂只君子。福履綏之。』 『南有樛木。葛藟荒之。樂只君子。福履將之。』 『南有樛木。葛藟荒之。樂只君子。福履成之。』

樛即木之下曲者。葛藟蔓之，葛藟荒之，葛藟繁之。言上下能以相得。樂只君子。即在上能得其人也。民之所與。即是天之所佑也。

樛木三章章四句

『螽斯羽。詵詵兮。宜爾子孫振振兮。』 『螽斯羽。薨薨兮。宜爾子孫繩繩兮。』
『螽斯羽。揖揖兮。宜爾子孫蟄蟄兮。』

螽斯，能以得衆也。詵詵振振，言其多也。薨薨繩繩，言其盛也。

螽斯三章章四句

『桃之夭夭。灼灼其華。之子于歸。宜其室家。』 『桃之夭夭。有其實。之子于歸。宜其家室。』 『桃之夭夭。其葉蓁蓁。之子于歸。宜其家人。』

桃之夭夭，得其地也。灼灼其華，有黃其實，即能得自於己。之子于歸。即得其所也。宜其室家。宜其家人。即得其人也。

桃夭三章，章四句

『肅肅兔置。椓之丁丁。糾糾武夫。公侯干城。』『肅肅兔置。施于中逵。糾糾武夫。公侯腹心。』

兔置，即能以自立也。肅肅即能得其道。丁丁，即能盡其力。施于中逵，施于中林，即能得其地。公侯干城，公侯腹心，公侯好仇，即能各盡其力也。

兔置三章。章四句。

『采采芣苢。薄言采之。采采芣苢。薄言有之。』『采采芣苢。薄言掇之。采采芣苢。薄言撿之。』『采采芣苢。薄言枯之。采采芣苢。薄言櫛之。』

芣苢，即人人樂於事功。采采即采而又采，薄言采之。薄即隨其所至。掇之撿之，枯之櫛之，即能各盡其所能。

采芣三章。章四句。

「南有喬木。不可休息。漢有游女。不可求思。漢之廣矣。不可泳思。江之永矣。不可方思。」
「翹翹錯薪。言刈其楚。之子于歸。言秣其馬。漢之廣矣。不可泳思。江之永矣。不可方思。」
「翹翹錯薪。言刈其萑。之子于歸。言秣其駒。漢之廣矣。不可泳思。江之永矣。不可方思。」

漢廣義在能以自立。卽能有所爲也。

漢廣三章。章八句。

「遵彼汝墳。伐其條枚。未見君子。惄如調飢。」
「遵彼汝墳。伐其條肄。既見君子。不我遐棄。」
「魴魚鱣尾。王室如燬。雖則如燬。父母孔邇。」

汝墳，言人心已歸周也。遵卽有路可循。君子卽民之所歸者。惄如調飢，言思治之切。不我遐棄，卽有所歸也。魴魚鱣尾指紂而言。王室如燬。卽知商之必亡。父母孔邇。父母，指文王而言。天下已知周之將興。

汝墳三章。章四句。

『麟之趾。振振公子。于嗟麟兮。』『麟之定。振振公姓。于嗟麟兮。』『麟之角。振振公族。于嗟麟兮。』

麟仁壽也。無礙於物也。無礙於物，即能愛及於物也。文王仁者之君也。文王仁，則文王上下左右，無一不仁。于嗟麟兮。愛及於物者，即能愛及於人也。觀周南各篇，而知人人有興家立國之念。周南之治，始於關雎。身無不脩，即是家無不齊。家無不齊，即是國無不治。

麟之趾三章，章三句。

周南之國十一篇，三十四章，一百五十九句。

召南一之二

『維鵲有巢。維鳩居之。之子于歸。百兩御之。』『維鵲有巢。維鳩方之。之子于歸。百兩將之。』『維鵲有巢。維鳩盈之。之子于歸。百兩成之。』

鵲巢義在能以正名。鳩以鵲巢爲室。即女以男爲家也。百兩御之，百兩將之，百兩成之，即能盡立家

之道也

鵲巢三章。章四句。

『于以采蘩。于沼于沚。于以用之。公侯之事。』『于以采蘩。于澗之中。于以用之。公侯之宮。』『被之僮僮。夙夜在公。被之祈祈。薄言還歸。』

采蘩有所事也。即能得其人也。

采蘩三章。章四句。

『嘒嘒草蟲。趯趯阜螽。未見君子。憂心忡忡。亦既見止。亦既覯止。我心則降。』
『陟彼南山。言采其蕨。未見君子。憂心惓惓。亦既見止。亦既覯止。我心則說。』
『陟彼南山。言采其薇。未見君子。我心傷悲。亦既見止。亦既覯止。我心則夷。』

草蟲，言相得也。草蟲之聲，與阜螽之趯相應。即能互相唱和。

草蟲三章。章七句。

『予以采蘋。南澗之濱。予以采藻。于彼行潦。予以盛之。維筐及筥。予以湘之。維鎗及釜。』『予以奠之。宗室牖下。誰其尸之。有齊季女。』

采蘋得其人也。卽能得其道也。

采蘋三章。章四句

『蔽芾甘棠。勿剪勿伐。召伯所茇。蔽芾甘棠。勿剪勿敗。召公所憩。蔽芾甘棠。勿剪勿拜。召伯所說。』

甘棠言德澤及人之深也。茇卽草舍。憩卽休息。說卽舍也。勿剪勿伐，勿剪勿敗，勿剪勿拜，拜卽折也。思其人，愛其物也。卽民之不能忘也。

甘棠三章。章三句。

『厭浥行露。豈不夙夜。謂行多露。』『誰謂雀無角。何以穿我屋。誰謂女無家。

何以速我獄。雖速我獄。室家不足。』『誰謂鼠無牙。何以穿我墉。雖謂女無家。

何以速我訟。雖速我訟。亦不女從。』

行露能以自反也。卽義在能慎之於始也。

行露三章，一章三句，二章章六句

『羔羊之皮。素絲五紵。退食自公。委蛇委蛇。』
『羔羊之革。素絲五緇。委蛇委蛇。自公退食。』
『羔羊之縫。素絲五總。委蛇委蛇。退食自公。』

羔羊，各安其分也。卽能各盡其職也。

羔羊三章，章四句

『殷其雷。在南山之陽。何斯違斯。莫敢或遑。振振君子。歸哉歸哉。』
『殷其雷。在南山之側。何斯違斯。莫敢遑息。振振君子。歸哉歸哉。』
『殷其雷。在南山之下。何斯違斯。莫敢遑處。振振君子。歸哉歸哉。』

殷其雷，役于外也。聞其聲，而想見其人也。念望之功。而無怨言。卽能以國家爲重也。

殷其雷三章。章六句。

『標有梅。其實七兮。求我庶士。迨其吉兮。』
『標有梅。其實三兮。求我庶士。迨其今兮。』
『標有梅。頃筐塈之。求我庶士。迨其謂之。』